

Ո Ր Ո Շ Ո Ւ Մ

Դատաապրանքագիտական փորձաքննություն նշանակելու մասին

„10,, դեկտեմբերի 2018թ.

ք. Էջմիածին

ՀՀ քննչական կոմիտեի Արմավիրի մարզային քննչական վարչության ավագ քննիչ, առաջին դասի խորհրդական Դ.Ղահրամանյանս, վերանայելով վարույթիս թիվ 57171518 քրեական գործի նյութերը՝

Պ Ա Ր Զ Ե Ց Ի

2018թ-ի հունիսի 27-ին, Լաուրա Զաքարի Սարգսյանը ոստիկանության Վաղարշապատի բաժնում հաղորդում է տվել այն մասին, որ 2017թ-ի սեպտեմբեր ամսին իր Էջմիածին քաղաքի Անդրանիկ թաղամասի 152 հասցեի տանը որպես պահակ վստահել է Գագիկ Հակոբի Ղազարյանին,, ով օգտվելով այդ հանգամանքից 2017թ-ի սեպտեմբեր ամսից մինչև 2018թ-ի հունիսի 12-ը ընկած ժամանակահատվածում յուրացրել է „Օնիքս,, տեսակի դեկորատիվ քարեր, շինարարական տախտակներ, տարբեր տեսակի քարեր և հեռացել, Լաուրա Սարգսյանին պատճառելով՝ 1.630.000 ՀՀ դրամի գույքային վնաս:

Դեպքի առթիվ 09.07.2018թ-ին ՀՀ ոստիկանության Վաղարշապատի բաժնում ՀՀ քրեական օրենսգրքի 179-րդ հոդվածի 2-րդ մասի 3-րդ կետի հատկանիշներով հարուցվել է թիվ 57171518 քրեական գործը: Նույն օրը որոշում է կայացվել քրեական գործը ըստ քննչական ենթակայության՝ ՀՀ քննչական կոմիտեի Վաղարշապատի քննչական բաժին ուղարկելու մասին:

22.10.2018թ.-ին քրեական գործի նախաքննության կատարումը հանձնարարվել է ինձ:

28.11.2018թ-ին Գագիկ Ղազարյանին մեղադրանք է առաջադրվել ՀՀ քրեական օրենսգրքի 179-րդ հոդվածի 2-րդ մասի 3-րդ կետով և առաջաքրված մեղադրանքում վերջինս իրեն մեղավոր է ճանաչել մասնակի:

Քրեական գործի նախաքննության ընթացքում պարզվել է, որ գործով մեղադրյալ Գագիկ Ղազարյանը տուժող Լաուրա Սարգսյանի տանը շինարարական աշխատանքներ կատարելու ընթացքում, 2017թ-ի աշնանը, գործով չպարզված օրը և ամսին, առանց տեղյակ պահելու իր հարազատ եղբայր՝ Արմավիրի մարզի Տարոնիկ գյուղում բնակվող՝ Անդրանիկ Ղազարյանին պատկանող տան բակ է տեղափոխել Լ.Սարգսյանին պատկանող 22 հատ բազալտ տեսակի քարեր և տրավերդին տեսակի քարերի մնացորդներ: Նշված տրավերդին տեսակի քարերի մնացորդները շարել է 1,80 մետր լայնությամբ և 8 մետր երկարությամբ հատվածի վրա:

Նկատի ունենալով, որ Լաուրա Զաքարի Սարգսյանին պատճառված գույքային վնասի չափերը պարզելու համար անհրաժեշտ են դատական ապրանքագիտության բնագավառի հատուկ գիտելիքներ և ղեկավարվելով ՀՀ քրեական դատավարության օրենսգրքի 55-րդ, 243-244-րդ և 248-րդ հոդվածների պահանջներով՝

Ո Ր Ո Շ Ե Ց Ի

1. Թիվ 57171518 քրեական գործով նշանակել դատաապրանքագիտական փորձաքննություն, որի կատարումը հանձնարարել ՀՀ „Էկսպերտ փորձագիտական կենտրոն,, ՍՊԸ-ի փորձագետներին:

2. Փորձագետի պարզաբանմանն առաջադրել հետևյալ հարցերը.

ա/ Գ.Ղազարյանի կողմից տեղափոխված քարերը պիտանի են նպատակային օգնագործման համար, թե ոչ:

բ/ Գումարային արտահայտությամբ որքա՞ն է կազմում Գ.Ղազարյանի կողմից տեղափոխված քարերի շուկայական արժեքը 2017թ-ի աշնան դրությամբ:

գ/ Որքան է կազմում պատճառված վնասի վերականգնման ծախսերը:

4. Փորձաքննություն կատարելու համար փորձագետին տրամադրել սույն որոշումը „2,, թերթ, իսկ գործով մեղադրյալ Գ.Ղազարյանի կողմից տեղափոխված քարերը գտնվում են Արմավիրի մարզի Տարոնիկ գյուղում գտնվող՝ Անդրանիկ Ղազարյանին պատկանող տան բակում:

5. Հանձնարարել ՀՀ „Էկսպերտ փորձագիտական կենտրոն,, ՍՊԸ-ի տնօրենին պարզաբանել փորձագետին, ում հանձնարարվելու է փորձաքննության կատարումը ՀՀ քրեական դատավարության օրենսգրքի 85-րդ հոդվածով նախատեսված՝ փորձագետի իրավունքներն ու պարտականությունները և նախազգուշացնել ակնհայտ կեղծ եզրակացություն տալու համար ՀՀ քրեական օրենսգրքի 338-ր հոդվածով նախատեսված քրեական պատասխանատվության մասին:

ԱՎԱԳ ՔՆՆԻՉ



Գ. ՂԱՀՐԱՄԱՆՅԱՆ